







[General](#)

UMPSA lancar aplikasi mudah alih e-Comm

1 March 2024

GAMBANG, 16 Februari 2024 - Universiti Malaysia Pahang Al-Sultan Abdullah (UMPSA) telah melancarkan aplikasi mudah alih e-Community sebagai alternatif komunikasi dalam kalangan warganya.

Pelancarannya telah disempurnakan oleh Naib Canselor UMP SA, Profesor Dato' Ts. Dr. Yuserrie Zainuddin sempena Majlis Amanat Naib Canselor baru-baru ini.

Hadir sama Ketua Pegawai Maklumat, Jabatan Pengurusan Pengetahuan dan Teknologi Maklumat, Profesor Madya Dr. Mohamed Ariff Ameen dan Pengarah, Pusat Teknologi Maklumat dan Komunikasi, Ts. Mohd Rashid Abu Bakar.

Profesor Dato' Ts. Dr. Yuserrie berkata, seiring dengan era pendigitalan, UMPSA memperkenalkan Aplikasi Mudah Alih e-Community (e-Comm) sebagai membudayakan teknologi dalam operasi seharian.



"UMPISA telah menggunakan platform e-Community sebagai salah satu komunikasi dalam kalangan warga sejak awal penubuhannya.

"Aplikasi mudah alih terbaharu UMPISA ini merangkumkan kesemua fungsi dalam aplikasi e-Community sedia ada dalam bentuk paparan yang lebih ringkas, kemas dan menarik.

"Diharapkan aplikasi ini dapat membantu staf bagi pengurusan maklumat dan pelbagai aktiviti dengan lebih pantas, " katanya.

Manakala Profesor Madya Dr. Mohamed Ariff pula berkata, Aplikasi e-Comm ini merupakan satu platform komunikasi yang terbina yang mudah untuk digunakan, kepercayaan terhadap keselamatan sistem, kualiti maklumat, kualiti sistem dan juga kualiti perkhidmatan yang disediakan meningkatkan produktiviti, keberkesanan dan kecekapan capaian dalam kalangan staf universiti.

Pihaknya merancang untuk mengadakan pelbagai aktiviti bersama staf bagi meningkatkan kesedaran ramai terhadap aplikasi ini.

Staf boleh muat turun aplikasi e-Comm menerusi Apple App Store dan Google Play Store.

TAGS / KEYWORDS

[Aplikasi mudah alih e-Comm](#)

[Majlis Amanat Naib Canselor](#)

- 154 views

[View PDF](#)